

Publicaziuns officialas dils 22 da november 2024

Vischnaunca Trun

Votaziuns federalas ed elecziun communalas

L'urna principala en canzlia communalas ei aviarta sco suonda:

Gievgia, ils 21-11-2024, 09.30 - 11.30, 15.30 - 17.30

Venderdis, ils 22-11-2024, 09.30 - 11.30, 15.30 - 17.00

Dumengia, ils 24-11-2024, 09.00 - 10.30

La documentaziun da votar duess mintga votant/a haver obteniu. Cass cuntrari san ins s'annunziar immediatamein, denton il pli tard entochen venderdis, ils 22 da november 2024 allas 17.00 tier l'administraziun communalas (tel. 081 920 20 40).

Levgiament da votar

Mintga votant/a ha la pussevkladad da dar giu sia vusch a scret. En gliez mument sto el/la observar il suandont:

1. Emplenir ora ils cedels da votar a maun e metter quels en la cuviarta da votar grischa e serrar giu ella.
2. Metter la cuviarta da votar grischa ensemen cun il certificat dil dretg da votar suttascret en la cuviarta alva, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communalas saveis Vus tarmetter cun posta (gratuitamein) ni directamein fierer en la scaffa da brevs dalla canzlia communalas.

Ils cedels da votar ston esser il pli tard la dumengia, ils 24-11-2024 allas 10.30 tier l'administraziun communalas.

Aschinavon ch'ei vegn buca risguardau sura instrucziuns da votar, ein ils cedels da votar nunvaleivels.

Suprastonza communalas

Damonda da baghegiar

Datum da publicaziun: 22-11-2024

Petenta: Margrit Holzwarth-Spescha, Brunnacherstrasse 13, 8904 Aesch
Object: Construcziun d'ina nova finiastra en la fatschada sid dalla tegia sin parcella 4039 a Munt.
Zona: Zona d'agricultura (A)

Protestas:

Il plans ein deponi en canzlia communal. L'investa publica cuoza 20 dis dapi il datum da publicaziun. Protestas ein d'inoltrar en scret enteifer 20 dis dapi la publicaziun alla suprastanza communal Trun.

Administraziun communal Trun

Elecziun supplementara per la suprastanza communal dils 24-11-2024

Rest dalla perioda d'uffeci 2024–2026

per quella elecziun vala suandonta persuna sco proponida: Menzli Silvana, niev

Administraziun communal Trun

Serrada dalla deponia da cumpostar Ogn

Preziadas convischinas, preziai convischins

La deponia da cumpostar Ogn vegn serrada naven da sonda, ils 23 da november 2024 allas 16.00. La deponia resta serrada durant il temps d'unviern.

Suprastanza communal Trun

Radunonza da vischnaunca

gliendisdis, ils 2-12-2024, allas 19.30 ell'aula dalla casa da scola.

Tractandas:

1. Avertura ed elecziun da 2 dumbravuschs
2. Protocol dalla radunonza communal dils 04-12-2023
3. Informaziun davart la situaziun dil Campadi Ogna
4. Preventiv per igl onn 2025
5. Fixaziun dil pei da taglia per igl onn 2025
6. Decisiun da separticipar alla Corporaziun dallas vischnauncas concessiunarias dallas Ovras Electricas Reinanteriur SA ed approvaziun dils statuts
7. Varia

Dils divers acts e dil protocol sa vegnir priu investa tier l'administraziun communal. Dil preventiv sa ulteriuramein vegnir priu investa sin nossa pagina d'internet www.trun.ch

Suprastonza communal Trun

Sera d'informaziun defibrilatur

La vischnaunca da Trun ha montau el decuors dad uonn 4 novs defibrilatur. Quels gidan denton nuot, sch'ins sa buca co duvra els. La grupp da First Responders Trun envida vus cordialmein ad ina sera d'informaziun cul tema „reanimaziun e defibrilaziun».

La finamira ei da mussar co agir en cass dad ina disdida dil cor, co far diever dil defibrilatur ed oravontut da prender la tema dad insumma duvra il defibrilatur.

Ils/las participonts/as han la pusseivladad da praticar quella situaziun cun in defibrilatur da trenament. La sera d'informaziun ha liug gliendisdis, ils 25-11-2024 allas 19.30 uras en Sala da cultura a Trun.

Nus selegrein sin vossa preschientscha

Grupp da First Responders

Mortori

Vinzens Constantin, naschiusils 22 da matg 1959 e morts ils 14 da november 2024.

Controlla da habitonts Trun

Dis da viseta

Nus envidein cordialmein als dis da viseta ellas casas da scola a Rabius ed a Trun. Quels han liug venderdis e sonda, ils 29 ed ils 30 da november 2024, e quei mintgamai igl avonmiezdi.

Per evitar pli gronds disturbis supplichein nus las visetas da mintgamai entrar all'entschatta dalla lecziun e da sortir alla fin dalla lecziun.

Ils bus da scola curseschan sonda avonmiezdi sco in avonmiezdi ordinari.

Nus selegrein da Vossa viseta.

Las scolaras ed ils scolars cun lur persunas d'instrucziun

Consorti da scola Sumvitg-Trun

Casa Depuoz Trun

Nies Bazar pign ha liug il venderdis, ils 29 da november e la dumengia igl'emprem da december 2024. Danovamein anfleis vus differentas caussas creadas da nossas scolaras e da nos scolars sco era da nossas clientas e nos clients.

Venderdis, ils 29 da november 15.00–18.00 cun suppa e ligiongia

Dumengia, igl'emprem da december 13.00–17.00 cun stiva da caffè e la pusseivladad da trer candeilas

Nus tuts selegrein sin bialas sentupadas cun vus.

Unser Bazar pign findet am Freitag, 29. November und am Sonntag, 1. Dezember 2024 statt.

Wiederum stellen wir in unserem Gartenhäuschen kreierte Sachen unserer Schülerinnen und Schüler sowie unserer Klientinnen und Klienten aus.

Am Freitag von 15.00–18.00 Uhr mit Suppe und Wurst

am Sonntag von 13.00–17.00 Uhr mit Kaffeestübli und Kerzen ziehen.

Wir alle freuen uns auf schöne Begegnungen und Euch!

Sontgaclau a Trun

Il temps varga e la viseta da Sontgaclau s'avischina. **Sonda, ils 7 da december 2024** visetel jeu cun grond plascher vus en vies dacasa. Per che jeu sappi organisar las visetas ellas casadas, supplicheschel da s'annunziar entochen ils 1 da december 2024 sin info@giuventetgnatrun.ch. Jeu selegrel sin ina biala sentupada!

Uniun da giuventetgna Trun

Uniun da dunnas Trun Zignau

Sontgaclau

Era uonn fa Sontgaclau puspei ina viseta a vus. **Venderdis, ils 6 da december 2024** allas 17.30 avon la stalla da Catrina e Silvio Livers. Per mussar la via a Sontgaclau fuss ei bi sche biars affons portan ina latiarna. Suenter stein nus aunc in mumenet da cumpignia cun petta e punsch. Nus selegrein da far in beinvegni a Sontgaclau ensemen cun biars affons. Cars salids e sin seveser

Uniun da giuventetgna ed uniun da dunnas

Uniun da dunnas Trun/Zignau

Finiastras d'advent 2024

Ei fa grond plascher che 24 finiastras sclareschan uonn nossa vischnaunca durant il temps d'advent. Nus engraziein cordialmein a tut ils participonts e selegrein sin vossas creaziuns:

- Famiglia Livers, Via Rensch 9, cun aperitiv
- Esther Tomaschett, Via Principala 102
- Gabriela Tambornino ed Joelle Monn, Via Dual 17
- Volg Trun, Via Principala 59
- Larissa Dietrich, Via Plaunca 2
- Silvana Stagliano, Via Dulezi 15
- Corina Giger, Via Principala 69
- Beat Hosang, Via Plaunca 16
- Linda Hizsa, Via Pustget 5
- Regula ed Aline Nay, Via Pustget 18
- Seraina e Flurina Bundi, Via Splecs 28
- Anna Maria Cavigelli, Via Dual 15
- Cornelia Lehmann, Via Dulezi 12, cun aperitiv
- Pia Demont, Via Splecs 13
- Isabelle Defuns, Via Principala 47
- Ricarda Tuor, Via Fraissens 2
- Regina Maissen, Via Sogn Martin 22
- Consorzi da scola Sumvitg-Trun, Via Principala 40
- Franzisca Tambornino, Via Sum il Vitg 1
- Ronja Keller, Via Dual 2
- Casa Depuoz, Via Crap Gries 1
- Cordula Lombriser, Via Sogn Giusep 6
- Annatina Lombriser, Via Sogn Giusep 7, cun aperitiv
- Andrina Spescha, Via Fabrica 8

Las decoraziuns d'advent ein illuminadas (17.30 – 21.00) mintgamai la sera naven dil datum nudaus entochen Buania. Tuttas e tuts convischinas/s ein envidai cordialmein d'admirar las bialas creaziuns cun far ina spassegiada nocturna entras nossa vischnaunca. Bien divertiment e gudi l'atmosfera d'advent!

Uniun da dunnas Trun/Zignau

Viseta el Cussegl grond

Il sulet datum pusseivel per visitar ina sessiun dil Cussegl grond ei **gliendisdis suentermiezdi, ils 2 da december 2024**.

Tgi che ha gust e peda da passentar in suentermiezdi a Cuera duei far aschi bien e s'annunziar tier Sandra Decurtins (079 389 29 49, sfdecurtins@bluewin.ch) tochen gliendisdis, ils 25 da november. Sin in bien seveser selegra

il comite

Uniun samaritana Sumvitg-Trun

Acziun da spender saung

Gliendisdis, ils 2 da december 2024 naven dallas 18.30 – 20.30 ella sala dil center communal a Trun.

L'uniun samaritana Sumvitg-Trun ei engrazieivla per mintga viseta.

Info-Winterveranstaltung

Surselva Tourismus und die IG Zweitwohnungsbesitzer Surselva

Siehe unter Breil/Breil/Brigels!